

ՎԱՐԴԱՆՅԱՆ ԳՐԻԳՈՐ
(ԱԻ)
ԹՅՈՒՐՔԱԿԱՆ ԳՎԱՐԴԻԱՅԻ ՌԱԶՄԱՔԱՂԱՔԱԿԱՆ
ԻՇԽԱՆՈՒԹՅՈՒՆՆ
ԱՔՔԱՍՅԱՆ ԽԱԼԻՖԱՅՈՒԹՅՈՒՆՈՒՄ (813-869թթ.)

9-րդ դարի սկզբից մինչև երկրորդ կեսն ընկած ժամանակահատվածում քյուրքական գվարդիայի ունեցած ռազմաքաղաքական իշխանությունն Աբբասյան խալիֆայությունում արաբական պատմության այդ շրջանի ուսումնասիրության ինքնատիպ քննաներից մեկն է:

Արաբական աղբյուրների հաղորդմամբ քյուրքերի և պրաբների վտիշփումների հիմքը դրվեց Օմայան խալիֆայության ժամանակներից, երբ արաբները սկսեցին վարել իրենց արևելյան նվաճողական քաղաքականությունը: Նրանք Օմայան խալիֆա Վալիդ 1-ի (705-715թթ.) օրոք հետզհետե սկսեցին իրենց ենթարկել Մավարաննահրը¹, որի կազմում էին Թուխարստանը՝ Բալխ մայրաքաղաքով², Խորեզմը³, Սողդը (Սողդիանա)⁴, իր Սամարղանդ և Բուխարա քաղաքներով⁵: Այնուհետև, 713-715թթ. արաբները նվաճեցին Ֆերգանան⁶, իսկ արդեն Աբբասյան խալիֆայության կողմից 751թ. գրավվեց Շաշը (Տաշքենդը)⁷: Վերոնշյալ երկրամասերն արաբական ներխուժումների ընթացքում արդեն յուրացրել էին քյուրքական վաչկատուն ցեղերը: Այսինքն արաբական գավթումներն իրականացվում էին քյուրքաբնակ շրջաններում, որոնք գրավելով արաբներն իրենց հետ խալիֆայություն էին տանում քյուրքական ծագում ունեցող բազմաքանակ գերիների: Հատկանշական է այն փաստը, որ Աբբասյան խալիֆայության վաղ շրջանում Խորասանի և Արևելքի կառավարիչները որպես հարկ Բաղդադ էին ուղարկում միայն քյուրք ստրուկներ (ղիլման, մավալի): Այսպես, 10-րդ դարի արաբ լսշխարհագրագետ Ալ-Մուկադդասին նշում է, որ Խորասանի տարեկան հարկն Աբբասյան տիրապետության ժամանակ կազմում էր 12 հազար

թյուրք ստրուկ⁴: Միջին Ասիայի տարբեր շրջաններից թյուրք ստրուկները ներկայում. իսկ նվաճումների արդյունքում ձեռք բերված գերիները տևողափափում և բնակեցվում էին խալիֆայությունում:

Մակայն պետք է նշել, որ թյուրքական ծագում ունեցող ստրուկներ խալիֆայություն էին բերվում նաև այլ շրջաններից: Թյուրք ստրուկներ նկարագրվում ամենակապույտ արքունիներից էր նաև խազարների երկիրը՝ յորտեղից. ինչպես նշում է 9-րդ դարի արաբ աշխարհագրագետ Ալ-Տահիզը, «Գերվում էին ստրուկներ, ստրկուհիներ»¹⁰: Աբբասյան խալիֆայությունում սկսում են լայնորեն օգտագործել թյուրքական տարրի ռազմական ներուժը¹¹: Թյուրքական գվարդիանների ձևավորումն արդեն սկսվում է Աբբասյան խալիֆա Ալ-Մամունի իշխանության տարիներին (813-833թթ.): Դա է վկայում այն փաստը, որ խալիֆա Ալ-Մամունը հրամայեց իր զինվորական հրամանատարներից՝ Աբու Իսհակ Ալ-Մութասիմին, որը նաև իր եղբայրն էր և ապագա խալիֆան, ձեռք բերել թյուրքերի¹², որոնք ռազմական գործում արհեստավարժ կլինեին: Այն, որ թյուրքական զինվորական տարրն առաջին անգամ արդեն կազմակերպված օգտագործվել է Ալ-Մամուն խալիֆայի կողմից, նշում է նաև 14-րդ դարի արաբ պատմիչ Ալ-Մակրիզին: Նա, կապված թյուրքական զինվորական տարրի կիրառման հետ, նշում է՝ «նրա եղբայր Աբու Իսհակ Ալ-Մութասիմը հետևեց իր եղբոր՝ Ալ-Մամունի օրինակին»¹³: Մեր կարծիքով, Մամուն խալիֆան ձեռնարկեց թյուրքական զինվորական գվարդիայի ստեղծումը, որպեսզի ավելի արդյունավետ կարողանար ճնշել հսկաաբբասյան ապստամբությունները խալիֆայության տարածքում: Այդպիսի ելույթներ էին բռնկվել Եգիպտոսում, Միրիայում, Պաղեստինում և այլուր: Այս բոլոր ապստամբությունները մեկը մյուսի հետևից ճնշվեցին խալիֆայության կողմից:

Խալիֆա Ալ-Մամունին հաջորդեց նրա եղբայրը՝ Աբու Իսհակ Ալ-Մութասիմը (833-842թթ.), որի կառավարման 9 տարիները կարևոր նշանակություն ունեցան խալիֆայությունում թյուրքական տարրի հաստատման գործում՝ սկզբում Բաղդադում, այնուհետև՝ 835-836թթ. նոր կառուցված մայրաքաղաք Մամարայում¹⁴: Այս նոր մայրաքաղաքը, արաբական աղբյուրների հաղորդմամբ, կառուցվեց թյուրքական զինվորական տարրի և Բաղդադի բնակչության միջև հաճախակի բռնկվող հակամարտություններին վերջ տալու նպատակով: Բաղդադից

Սամարու տեղափոխվեց թյուրքական բնակչությունը. ինչպես նաև թյուրքական զինվորական տարրը. որի ուժերով էլ հենց կառուցվեց այն¹⁵:

Հակաաբբուսյան ապստամբությունների շարքում ամենաերկարատևը դեռևս 816թ. Ատրպատականում բռնկված խուռոմյան Բաբեկի ապստամբությունն էր. որը, սակայն, ճնշեց 837թ. Եսյուեն խալիֆա Ալ-Մութասիմը: Բաբեկի նկատմամբ հաղթանակ տարավ թյուրքական ծագմամբ զորահրամանատար Հայդար իբն Կարուս Աֆշին Ալ-Ռուստուշանին¹⁶: Խալիֆայական զորքերը գրավեցին խուռոմյան շարժման ոստանը՝ Բադդայն ամրոցը¹⁷, որից հետո շարժման ղեկավար Բաբեկը, ինչպես նշվում է 9-րդ դարի պատմիչ Դինավարիի երկում¹⁸ «փախավ Հայաստան, անցնելով Արաքս գետը, և ուղղվեց դեպի Ռում: Երբ նա անցավ Արաքս գետը, նրա մոտ եկավ նահանգի կառավարիչ Սադ իբն Սուբհատը», որը հայկական աղբյուրներում կոչվում է Սմբատի որդի Սահլ¹⁹: Վերջինս ձերբակալեց Բաբեկին և ուղարկեց Ատրպատականում գտնվող թյուրք զորահրամանատար Աֆշինին, իսկ Աֆշինը Բաբեկին ուղարկեց խալիֆայական արքունիք. որտեղ նա տանջամահ արվեց և սպանվեց: Աֆշինի հաղթանակն այնքան էր ոգևորել Ալ-Մութասիմ խալիֆային, որ թյուրք զորահրամանատարը խալիֆայի կողմից ոսկե թագով պարգևատրվեց: Թյուրք զորավարը Բաբեկի ապստամբությունը ճնշելուց անմիջապես հետո ուղղվեց դեպի Ռումի երկիրը (Բուլղանդիա)՝ օգնություն ցույց տալու Ալ-Մութասիմ խալիֆային, որը պատրաստվում էր գրավել Ռումի երկրի մեծագույն քաղաքներից Ամորիոնը²⁰: Ինչպես նշում է 9-րդ դարի արաբ պատմիչ Ալ-Յակուբին. «Ալ-Մութասիմ խալիֆան Ռումի բռնապետի (իմա Թեմսիկուս - Գ.Վ.) դեմ մեծ զորքով ուղարկեց Աֆշինին, որը հանդիպեց բռնապետին, հաղթեց. փախուստի մատնեց և նրա ռազմիկներին մեծ ջարդ տվեց»²¹:

Յակուբիի վկայությունից երևում է, որ թյուրք հրամանատարի դերն Ամորիոնի նվաճման գործում մեծ է եղել: Պետք է նշել նաև, որ Ամորիոնի ռազմարշավին մասնակցում էին թյուրքական ծագմամբ ևս երեք զորահրամանատարներ՝ Աշնաս Աթ-Թուրքին, Իյթախ Աթ-Թուրքին և Բուդա Ալ-Բաբիրը²². որոնք իրենց թյուրքական զորախմբերով առաջնորդել են գրեթե ողջ խալիֆայական զորքը:

Աշնաս Աթ-Թուրքին ղեռնա 828-829թթ. խալիֆա Ալ-Մամունի կողմից նշանակվել էր Եգիպտոսի կառավարիչ: Այս երկրամասն իր աշխարհագրական դիրքով ռազմավարական նշանակություն ուներ. և նրա կառավարչի պաշտոնը վստահվել էր թյուրք զորահրամանատարի: 834-835թթ. խալիֆա Ալ-Մութասիմը Աշնասին կրկին նշանակեց Եգիպտոսի կառավարիչ. որն այդ պաշտոնը վարեց շուրջ 11 տարի²¹: Իսկ եթե հաշվի առնենք նաև այն փաստը, որ թյուրք զորահրամանատարները հիմնականում գլխավորում էին խալիֆայական բանակի թյուրքական զորախմբերը²⁴, ապա կարելի է պնդել, որ շուրջ 15 տարի Աշնաս Աթ-Թուրքին կարողացել է կառավարել Եգիպտոսը հենց թյուրքական զինուժի անմիջական ներկայությամբ: Մեր կարծիքով, սա կարևոր նշանակություն ունեցավ Եգիպտոսում թյուրքական տարրի հետագա հաստատման համար: 10-րդ դարի արաբ պատմիչ Մասուդիի վկայությամբ նա իր թյուրքական զորաբանակով մասնակցել է նոր մայրաքաղաք Սամարայի կառուցմանը²⁵: Նա Սամարայում ունեցել է իր սեփական պալատը, բացի այդ, նաև իկաա իրավունքով²⁶ նրան են պատկանել քաղաքամերձ հսկայական հողատարածքներ: Վերաբերյալից հետևում է, որ բացի արտաքին քաղաքական բնագավառից, Աշնասը խալիֆայությունում նաև ներքաղաքական կարևոր դերակատար էր:

Հաջորդ կարևոր դերակատարներից է խազարական ծագմամբ ստրուկ՝ վերոնշյալ Իյթախ Աթ-Թուրքին, որին Աշնասի մահից հետո խալիֆա Ալ-Վասիկը (842-847թթ.) հանձնարարեց Եգիպտոսի կառավարումը: Այս հասարակ ստրուկն այնպես էր կարողացել իրեն դրսևորել, որ խալիֆա Ալ-Մութասիմի, հետո նաև Ալ-Վասիկի օրոք խալիֆայությունում զբաղեցրել է Սամարայի անվտանգության համակարգի ղեկավարի պաշտոնը: Հետո վերջինիս է վստահվել Ալ-Մութավաքիլ խալիֆայի (847-861թթ.) հաջիբի (սենեկապետ) և թագավորական գվարդիայի հրամանատարի պաշտոնները²⁷: Ակնհայտ է, որ այս գործիչը մեծ ռազմաքաղաքական իշխանություն է ունեցել Աբբասյան խալիֆայությունում, քանի որ, հաջիբի քաղաքական պաշտոնը զբաղեցնելով, նա անընդհատ խալիֆայի կողքին էր, մասնակից էր նրա պաշտոնական ընդունելություններին ու աստիճանաբար մեծ ազդեցություն էր ձեռք բերում արքունիքում: Իսկ թագավորական գվարդիայի հրամանատարի դերը անշուշտ Իյթախին

օժտել էր անսահմանափակ ռազմական իշխանությամբ: Սակայն սա վախեցնում էր Ալ-Մուրսավաքիլ խալիֆային, որի հրամանով և Իյթախը 849թ. ձերբակալվեց և սպանվեց:

Աբբասյան խալիֆայությունում ռազմական խաշոր գործիչ էր նաև Բուդա Ալ-Զաքիրը, որը որպես զինվորական կերպար առաջին անգամ հիշատակվում է դեռևս 835թ., երբ խալիֆա Ալ-Մուրասիմը նրան օգնություն ուղարկեց Խուռամյան Բաբելի դեմ արշաված Աֆշինին: Բուդային էր վստահվել նաև Աֆշինի զինվորների վարձատրության ամբողջ գումարը²⁸: Բուսլան նույնպես կարողացավ աչքի ընկնել իր զինվորական կարողություններով և հետզհետե ձեռք բերել ռազմական մեծ իշխանություն, որը, մեր կարծիքով, հետագայում արդեն բացահայտորեն վերածվեց քաղաքական իշխանության: Սա է վկայում այն փաստը, որ Բուդա Ալ-Զաքիրը Ալ-Մուրսավաքիլ խալիֆայի կողմից նշանակվեց Միրիայի կառավարիչ²⁹: Ալ-Մուրսավաքիլ խալիֆան սպանվեց թյուրքերի ձեռքով, և նրա մահից հետո մինչև 869թ. իրար հաջորդեցին երեք խալիֆաներ՝ Ալ-Մունթասիրը, Ալ-Մուսթահինը (862-866թթ.) և Ալ-Մուսթազը (866-869թթ.), որոնք բոլորն էլ թյուրքական դրածոներ էին և զոհ գնացին հենց թյուրքական գվարդիայի դավադրություններին:

Փաստորեն 9-րդ դարի կեսերին Աբբասյան խալիֆայությունում թյուրքական զինվորական գվարդիան ձեռք էր բերել ռազմական և քաղաքական բավականաչափ իշխանություն, որ կարող էր գահընկեց անել և ըստ իր հայեցողության նոր խալիֆաներ նշանակել: Մեր կարծիքով թյուրքական գվարդիայի ունեցած քաղաքական իշխանությունը հիմք դարձավ Աբբասյան խալիֆայության տարբեր շրջաններում արդեն թյուրքական ինքնիշխան միավորումների ձևավորման համար:

GRIGOR VARDANYAN

(IOS)

**THE MILITARY-POLITICAL POWER OF THE TURKIC
GUARDS IN
THE ABBASID CALIPHATE (813-869)**

At the begining of the 9-th century the Turkish military Guards was formed in the Abbasid Caliphate. There was an internal and external necessity for it during that

period. Arabic sources record Turkish army commanders namely Haydar ibn Kabus, lytakh at-Turki, Ashnas at-Turki, Bugha al-Qabir, who served under Abbasid al-Mamun, al-Mutasim, al-Watiq, al-Mutawaqil caliphs. The mentioned army commanders held different military-political posts in Abbasid caliphate and had such great authority, that could avail themselves to overthrow the caliphs and appoint the new ones.

ԾԱՆՈԹԱԳՐՈՒԹՅՈՒՆՆԵՐ

1. Abul Kasim ibn Haukal al-Nasibi, Kitab Surat al-ard., edit. M. J. De Goeje, Bibliotheca Geographorum Arabicorum (այսուհետև՝ BGA), vol. II, Lugd. Bat, 1967, p. 365-398:
2. Հովհաննիսյան Ն., Արաբական երկրների պատմություն, հ. I, Եր., 2003, էջ 108-110:
3. Abul Kasim ibn Haukal al-Nasibi, նշվ. աշխ., էջ 289:
4. Նույն տեղում, էջ 290:
5. Փոլադյան Ա., Քրդերը Արրասյան խալիֆայության ժամանակաշրջանում (X-XI դդ.), Եր., 1999, էջ 187:
6. Abu Ishak al-Farisi al-Istakhri, Kitab Masaliq al-Mamaliq, edit. M. J. De Goeje, BGA, vol. I, Lugd. Bat, 1967, p. 289-348:
7. Hitti Ph., History of Syria, London, 1951, p. 461:
8. Al Mukaddasi, Ahsan al-taqasim fi marifat al-aqalim, edit. M. J. De Goeje, BGA, vol. III, Lugd. Bat, 1967, p. 339-341:
9. Bosworth C. E., Barbarian Incursions: The Coming of the Turks into the Islamic World, London, 1973, p. 5:
10. Տեր-Ղևոնդյան Ա., «Օտար աղբյուրները Հայաստանի և հայերի մասին», 16, «Արաբական աղբյուրներ», Գ, Արաբ մատենագիրներ, Թ-Ժ դարեր, Ներածությունը և քննադրելիք քարոզմանությունները Ա. Տեր-Ղևոնդյանի, Եր., 2005, էջ 427:
11. Абу ал-Ала Ибн Хассул, Книга о превосходстве тюрок над другими воннами, пер. Ф. М. Асадова, Баку, 1993, http://www.vostlit.info/Texts/rus2/Ibn_Hassul/frameset.htm:
12. Gordon S. M., The breaking of a thousand swords: A history of the Turkish military of Samarra (200-275 A.H./ 815-889 C.E.), State University of New York Press, 2001, p. 26.
13. Abul Abbas al-Makrizi, Katab al mavaiz va al itibar bi ziqr al khitat va al asar, աղբյուր՝ Gordon S. M., The Breaking of a Thousand Swords: A History of the Turkish Military of Samarra, (200-275 A.H./ 815-889 C.E.), State University of New York Press, 2001, p. 26.
14. Ибн ал-Факих, Ахвар ал-Булдан (известия о странах), Введение, пер. с арабского, изд. текста и коимен. А. С. Жамкочяна, Ер., 1979, с. 43-54.
15. مسعودي، مروج الذهب و معادن الجواهر، ٥-١، بيروت، ١٩٧٤، الجزء الرابع، ص 345-365
16. Ibn Khordadbeh, Kitab al-Masaliq wa'l-Mamaliq, edit. M. J. De Goeje, BGA, VI, Lugd. Bat., 1967, p. 40.
17. مسعودي، նշվ. աշխ., էջ 353:
18. Տեր-Ղևոնդյան Ա., նշվ. աշխ., էջ 218:

19. Թովմա Արծրունի և Անանուն, Պատմութիւն տաճն Արծրունեաց, Եր., 1985, էջ 296-298:
20. Kennedy H., The Armies of the Caliphs, Military and Society in the Early Islamic State, London, 2001, p. 132.
21. Տեր-Ղևոնդյան Ա., նշվ. աշխ., էջ 389:
22. مسعودي, նշվ. աշխ., էջ 358:
23. Gordon S. M., The Breaking of a Thousand Swords: A History of the Turkish Community of Samarra (218-264 A.H / 833-877 C.E.), Columbia University, 1993, p. 154.
24. Kennedy H., The Armies of the Caliphs, Military and Society in the Early Islamic World, London and New York, 2001, pp. 126-127.
25. مسعودي, նշվ. աշխ., էջ 352:
26. Փոլադյան Ա., նշվ. աշխ., էջ 190: Իկտան հողային սեփականություն ունենալու իրավունքի ձև էր Արքայան խալիֆայությունում:
27. Gordon S. M., նշվ. աշխ., էջ 183:
28. Նույն տեղում, էջ 193:
29. مسعودي, նշվ. աշխ. الجزء الخامس, էջ 32-33: